

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 077189 25 K
Tešanj, 13.10.2025.godine

U IME FEDERACIJE BIH!

Općinski sud u Tešnju, po sudiji Besimi Ajanović, uz učešće zapisničara Hadžan Ninela, u krivičnom predmetu protiv optuženog M. L. sin R., ul. L. bb, G., radi produženog krivičnog djela "Teške krađa" iz člana 287. stav 1. tačka a) u vezi sa članom 31. i 55. KZ FBiH, po optužnici Kantonalnog tužilaštva Zenica broj: T04 0 KT 0054063 23 od 10.01.2024. godine, nakon održanog glavnog i javnog pretresa dana 24.09.2025. godine u prisutnosti Kantonalnog tužioca Ahmetlić Amre i optuženog M.L. lično, donio je i javno objavio u prisustvu KT Zenica i optuženog, dana 24.09.2025.godine, sljedeću:

P R E S U D U

M.L., sin R. i majke S. rođene Bajrić, rođen 29.12.1993. godine u G., gdje je i nastanjen, u ulici L. bb, po narodnosti Bošnjak, državljanin BiH, JMB: ..., pismen, sa završenom SSS, po zanimanju varioc, neoženjen, lošeg imovnog stanja, vojsku nije služio, osuđivan više puta za krivična djela iz člana 286., 287., 289., 362. KZ F BiH,

K R I V J E

Što je zajedno sa B. S.

u toku noći 20/21.07.2023. godine, oko 01,00 sati, u mjestu T., općina U., s ciljem da sebi pribave protivpravnu imovinsku korist, došli do Samouslužne autopraone „Oniks“ vlasništvo Dž. H., gdje su upotrebom fizičke snage i podesnog predmeta otvorili 4 boksa, odnosno spremnika novca, odakle su uzeli i prisvojili novac u iznosu od oko 100 KM u apoenima od po 0,50 KM do 5 KM, a nakon toga se sa prisvojenim novcem udaljili sa lica mjesta, svjesni da oduzimaju pokretninu drugom i da pribavljaju protivpravnu imovinsku korist, što su i htjeli, oštetivši na taj način Dž. H. za iznos od oko 100,00 KM,

dakle provaljivanjem pokretninu oduzeli drugom s ciljem da sebi pribave protupravnu imovinsku korist

M. L., sam

U toku noći 10/11.07.2023. godine, oko 01,00 sati, u mjestu T., općina U., s ciljem da sebi pribavi protivpravnu imovinsku korist, došao do Samouslužne autopraone „Oniks“ vlasništvo Dž. H., gdje je upotrebom fizičke snage i podesnog predmeta otvorio 4 boksa, odnosno spremnika novca, odakle je uzeo i prisvojio novac

u iznosu od oko 300 KM u apoenima od po 0,50 KM do 5 KM, a nakon toga se sa prisvojenim novcem udaljio sa lica mjesta, svjestan da oduzima pokretninu drugom i da pribavlja protivpravnu imovinsku korist, što je i htio, oštetivši na taj način Dž. H. za iznos od oko 300,00 KM,

dakle, provaljivanjem pokretninu oduzeo drugom s ciljem da sebi pribavi protivpravnu imovinsku korist,

čime je M. L. počinio produženo krivično djelo „Teške krađe“ iz člana 287. stav 1. tačka a) u vezi sa članom 31. i 55. KZ F BiH, pa se na osnovu istih zakonskih odredaba, te odredaba člana 43. i 49. KZ FBiH

O S U D U J E **na kaznu zatvora u trajanju od 7 (sedam) mjeseci**

Optuženi se oslobađa od plaćanja troškova krivičnog postupka i isti padaju na teret budžetskih sredstava.

Oštećena H. Dž. se sa imovinsko-pravnim zahtjevom upućuje na parnični postupak.

O b r a z l o ž e n j e

Kantonalno tužilaštvo ZE-DO Kantona Zenica optužnicom broj: T04 0 KT 0054063 23 od 10.01.2024. godine, optužilo je M. L. sin R., ul. L. bb, G., zbog krivičnog djela “Teške krađa” iz člana 287. stav 1. tačka a) u vezi sa članom 31. i 55. KZ FBiH, na način, vrijeme i mjesto kako je to opisano u dispozitivu navedene optužnice.

Sudija za prethodno saslušanje ovog suda je predmetnu optužnicu potvrdio dana 31.01.2024.godine i zakazao ročište radi izjašnjenja o krivnji.

Na ročištu koje je održano dana 05.03.2024. godine, optuženi M. L. je porekao krivnju po navedenoj optužnici, te je spis proslijeđen postupajućem sudiji radi zakazivanja glavnog pretresa.

Na glavnom pretresu održanom dana 24.09.2025.godine Kantonalni tužilac je pročitao optužnicu te izjavio da u cijelosti ostaje kod svih prijedloga dokaza kako subjektivnih tako i dokaza objektivne prirode koji su navedeni u optužnici.

Optuženi je u uvodnom izlaganju izjavio da je tačno da je počinio radnje opisane u optužnici, da priznaje krivnju i da je djelo počinjeno na način, mjesto i vrijeme kako je to opisano u činjeničnom opisu optužnice.

Priznanje optuženog je potpuno i u skladu sa provedenim dokazima na glavnom pretresu odnosno dokazima koji su uloženi od strane Kantonalnog tužioca radi utvrđivanja da li postoji dovoljno dokaza o krivnji optuženog a to su: Zapisnik o uviđaju PS Usora broj: 08-02-11/3-23/23 od 11.07.2023. godine, Zapisnik o uviđaju PS Usora broj: 08-02-11/3-24/23 od 21.07.2023. godine, Potvrda o privremenom

oduzimanju predmeta PS Usora broj: 08-02-11/3-08/23 od 12.07.2023. godine na ime H. Dž. sa CD-om,

Zapisnik o izvršenoj radnji privremenog oduzimanja predmeta i popisu privremeno oduzetih predmeta PS Usora broj: 08-02-11/3-08/23 od 12.07.2023. godine, Izvod iz kaznene evidencije za optuženog M. L. PU G. broj: 08-06/11-1-03.7-3-7227/23 od 15.11.2023. godine, Fotodokumentaciju PS Usora broj: 24/23 od 11.07.2023. godine sa datumom izrade 27.09.2023. godine, Fotodokumentaciju PS Usora broj: 23/23 od 21.07.2023. godine, Zapisnik o saslušanju svjedoka oštećenog PS Usora 08-02-11/3-03-90/23 od 03.08.2023.godine, Zapisnik o saslušanju svjedoka oštećenog PS Usora 08-02-11/3-03-73/23 od 03.08.2023.godine, Zapisnik o saslušanju svjedoka M. E. PS Usora 08-02-11/3-03-130/23 od 12.10.2023.godine, Zapisnik o saslušanju svjedoka S. S. PS Usora 08-02-11/3-03-89/23 od 03.08.2023.godine.

Uvjerenje suda da je do priznanja krivnje došlo s razumijevanjem, te da je optuženi svjestan svih posljedica i obaveza koji proističu iz priznanja krivnje, te da postoji dovoljno dokaza o krivnji optuženog, pa je sud i prihvatio priznanje krivnje optuženog.

Iz naprijed navedenih dokaza a što je potvrđeno i priznanjem optuženog nesumnjivo proizilazi da je optuženi M. L. u toku noći 20/21.07.2023. godine, oko 01,00 sati, u mjestu T., općina U., zajedno sa B. S., s ciljem da sebi pribave protivpravnu imovinsku korist, došli do Samouslužne autopraone „Oniks“ vlasništvo Dž. H., gdje su upotrebom fizičke snage i podesnog predmeta otvorili 4 boksa, odnosno spremnika novca, odakle su uzeli i prisvojili novac u iznosu od oko 100 KM u apoenima od po 0,50 KM do 5 KM, a nakon toga se sa prisvojenim novcem udaljili sa lica mjesta, svjesni da oduzimaju pokretninu drugom i da pribavljaju protivpravnu imovinsku korist, što su i htjeli, oštetivši na taj način Dž. H. za iznos od oko 100,00 KM, te sam u toku noći 10/11.07.2023. godine, oko 01,00 sati, u mjestu T., općina U., s ciljem da sebi pribavi protivpravnu imovinsku korist, došao do Samouslužne autopraone „Oniks“ vlasništvo Dž. H., gdje je upotrebom fizičke snage i podesnog predmeta otvorio 4 boksa, odnosno spremnika novca, odakle je uzeo i prisvojio novac u iznosu od oko 300 KM u apoenima od po 0,50 KM do 5 KM, a nakon toga se sa prisvojenim novcem udaljio sa lica mjesta, svjestan da oduzima pokretninu drugom i da pribavlja protivpravnu imovinsku korist, što je i htio, oštetivši na taj način Dž. H. za iznos od oko 300,00 KM, čime su se u ovakvim radnjama optuženog stekla sva bitna obilježja produženog krivičnog djela “Teške krađa” iz člana 287. stav 1. tačka a) u vezi sa članom 31. i 55. KZ FBiH, pa kako je optuženi bio svjestan svog djela i htio njegovo izvršenje te kako ne postoje okolnosti koje isključuju krivičnu odgovornost optuženog to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije na strani optuženog sud je cijenio sve okolnosti koje su od uticaja za odmjeravanje kazne. Od olakšavajućih okolnosti sud je našao da je optuženi priznao izvršenje krivičnog djela, njegove lične i porodične prilike, da je nezaposlen, da je lošeg imovnog stanja, bez doma i samac a od otežavajućih okolnosti da je do sada osuđivan više puta, pa je optuženog osudio na kaznu zatvora u trajanju od 7 (sedam) mjeseci sa uvjerenjem da će se sa izrečenom kaznom zatvora u cijelosti postići svrha kažnjavanja, kako sa aspekta generalne, tako i sa aspekta specijalne prevencije.

U smislu odredaba člana 202. stav 4. ZKP-a FBiH optuženi M. L. se oslobađa plaćanja troškova krivičnog postupka i isti padaju na teret sredstava ovog suda jer se radi o nezaposlenom licu, bez stalne adrese boravka i osobi lošeg imovnog stanja.

U skladu sa odredbama člana 212. stav 3. ZKP FBiH, oštećena H. Dž. se sa imovinsko-pravnim zahtjevom upućuje na parnični postupak, jer podaci iz spisa ne pružaju pouzdan osnov za potpuno niti djelimično presuđenje imovinsko-pravnog zahtjeva, obzirom da imovinsko-pravni zahtjev nije tačno određen, niti su prilikom postavljanja imovinsko-pravnog zahtjeva dostavljeni dokazi o visini pričinjenje štete.

Na osnovu svega navedenog sud je odlučio kao u izreci ove presude.

PRAVNA POUKA:

Protiv ove presude dozvoljena je žalba
Kantonalnom sudu Zenica u roku od 15
dana od dana prijema presude.

Sudija

Ajanović Besima